

佛說七俱胝佛母心大准提陀羅尼經

千轉陀羅尼觀世音菩薩呪

呪五首經

摩利支天經

六字大陀羅尼呪經

佛說七俱胝佛母心大准提陀羅尼經

尔時佛在舍衛國祇樹給孤獨園是時世尊

思惟觀察愍念未來諸衆生故說是七俱胝

佛母心准提陀羅尼法即說呪曰

南謨颯蘇騰哆都娜奴南一三三藐三勃沒

陀俱胝南同怛都姪徒他三折句

之熱 爰梨計 主爰同 准提六 莎蘇

訶 七

若有比丘比丘尼優婆塞優婆夷受持讀誦

此陀羅尼滿八十萬徧無量劫來五無間等

一切諸罪悉滅無餘所在生處皆得值遇諸

佛菩薩所有資具隨意充足生生常得出家

具持菩薩律儀淨戒恒生人天不墮惡趣常

為諸天之所守護若有在家善男女等誦持

之者其家無有灾橫病苦之所惱害諸有所

作無不諧偶所出言教人皆信受若有誦此

陀羅尼呪滿十萬徧夢中得見諸佛菩薩聲

聞緣覺自見口中吐出黑飯若有重罪誦滿

二十萬徧夢中亦見諸佛菩薩亦自見口中

吐出黑飯若有五逆罪者不得如是善夢現

時應當更誦滿七十萬徧是時還得如前之

相乃至夢見吐出白色粳米酪飯當知此人

即是罪滅清淨之相復次我今說此大陀羅

尼所作之事若於佛像前或於塔前若清淨

處以瞿摩夷唐云塗地而作方壇隨其大小

復以花香幡蓋飲食燈明燭火隨力所辦而

供養之復呪香水散於四方及以上下以為

結界既結界已於壇四角及壇中央皆各置

一香水之瓶持呪之者於其壇中面向東方

胡跪誦呪一千八百徧其香水瓶即便自轉

手捧雜花呪一千八徧散一鏡面又於鏡前  
正觀鏡面誦呪亦一千八徧又以油香以蘇  
摩那花香浸著  
胡麻油中塗手大指誦呪一百八徧即於鏡  
面鏡中指爪甲內皆各得見佛菩薩像復誦  
呪呪花一百八徧而散供養佛菩薩像心所  
有事一一請問無不決了若有鬼病以呪呪

良三  
行有根

茅付香茅第一  
得真茅亦得而拂病人即得除愈若有

幼小為鬼所著以五色縷應令童女合以成  
線一呪一結滿二十一結用繫其頸以白芥  
子呪之七徧復散其面即便除差復次有法  
於病者前以墨畫其病人形像呪楊枝打此  
畫形亦得除差復有一法若有病人為鬼所  
著身在遠處應呪楊枝足滿七徧寄往持打  
即亦除愈復有一法若在路行誦念此呪無  
有賊盜惡獸等怖復有一法常持此呪設有  
諍訟無不獲勝若欲往度江河大海誦呪而  
度無有水中惡獸等難復有一法若被繫閉  
枷鎖禁繫其身誦此呪者即得解脫復有一

法若諸國上水旱不調疫毒流行應以酥和  
胡麻粳米用手三指取其一撮呪之一徧擲  
火中燒或經七日七夜六時如是相續不絕  
一切災疫無不消滅復有一法以酥和拍穀  
呪一百八徧火中燒之隨心所願無不成諦  
財寶增盈求心滿足若人欲令他敬念者稱

彼前人名字一呪一稱滿一百八徧即便敬  
念復有一法於河渚間砂渾之上以塔形像  
印印砂渾上為塔形像誦呪一徧印成一塔  
如是數滿足六十万徧即得觀見聖者觀自  
在菩薩之像或見多羅菩薩金剛主菩薩隨  
其心願皆得滿足或見授與仙神妙藥或見

良七  
復入復度

三

授與菩提之記復有一法作右繞菩提樹像  
誦呪滿千万徧即見菩薩為其說法欲隨菩  
薩即得隨從復有一法若乞食時常持此呪  
不為惡人惡狗等類之所侵害復有一法若  
在塔前或佛像前或舍利塔前誦持此呪三  
十萬徧復於白月十五日設大供養一日一

夜不食正念誦呪得見金剛手菩薩而彼菩薩即將是人往於自宮復有一法若於轉法輪塔前或佛坐處塔前或於忉利天下寶階塔前或舍利塔前於如是等諸塔之前誦呪右繞即見阿鉢囉是多菩薩及呵利底菩薩隨其所願皆悉滿足若須仙藥即便授之復爲說法示菩薩道若有誦此陀羅尼者乃至未坐道場一切菩薩爲其勝友又此準提大陀羅尼大明呪法過去一切諸佛已說現在一切諸佛今說未來一切諸佛當說我今亦如是說爲利一切衆生故得無上菩提故若有薄福衆生無有少善根者無有根器之者無有菩提分法者若得聞此大準提陀羅尼法速疾證得阿耨多羅三藐三菩提若有人憶持誦念常不懈廢此佛母心大準提陀羅尼者無量善根皆得成就佛說此大準提陀羅尼法時無量衆生遠塵離垢得大準提陀羅尼大明呪功德得見十方諸佛菩薩諸聖

衆等作禮而去

七俱脤佛母心大準提陀羅尼經